

UPUTSTVO ZA PACIJENTA

Memoxa
5 mg
10 mg
Tableta
vinpocetin

Šta se nalazi u ovom uputstvu

1. Šta je lijek Memoxa i za šta se koristi
2. Prije nego počnete uzimati lijek Memoxa
3. Kako uzimati lijek Memoxa
4. Moguća neželjena djelovanja
5. Kako čuvati lijek Memoxa
6. Dodatne informacije

1. Šta je lijek Memoxa i za šta se koristi

Memoxa spada u grupu lijekova koji poboljšavaju kognitivne funkcije, pod nazivom nootropici.

Aktivna supstanca lijeka je vinpocetin.

Memoxa je namijenjena za ublažavanje simptoma psihičkih poremećaja i poremećaja nervnog sistema kod starijih osoba, uzrokovanih smanjenim protokom krvi u mozgu.

2. Prije nego počnete uzimati lijek Memoxa

Lijek Memoxa ne smijete koristiti:

- ukoliko ste alergični na vinpocetin ili bilo koji od sastojaka ovog lijeka (navedeni u dijelu 6);
- ako ste trudni ili dojite;
- ako ste nedavno imali krvarenje u mozgu ili ako patite od povišenog krvnog pritiska u mozgu;
- ako ste dijete ili adolescent.

Upozorenja i mjere opreza

Prije uzimanja lijeka Memoxa razgovarajte sa Vašim ljekarom.

Obavijestite svog ljekara o svim drugim bolestima koje imate (posebno ako imate srčane smetnje ili ako Vam je ljekar rekao o promjenama u Vašem elektrokardiogramu (EKG), npr. povećanom QT segmentu).

Ako osjetite osip na koži, svrab, nedostatak daha, otečeno lice, odmah se obratite ljekaru jer ste možda osjetljivi na lijek.

Djeca i adolescenti

Memoxa je kontraindicirana kod djece i adolescenata mlađih od 18 godina.

Uzimanje drugih lijekova sa lijekom Memoxa

Kažite svom ljekaru i farmaceutu ako uzimate ili ste donedavno uzimali bilo koji drugi lijek, uključujući i one koji se mogu nabaviti bez ljekarskog recepta.

Obavijestite Vašeg ljekara ukoliko uzimate:

- metildopu (lijek koji se koristi za snižavanje visokog krvnog pritiska)
- lijekove koji djeluju na centralni nervni sistem
- antikoagulanse (lijekovi koji sprečavaju zgrušavanje krvi)
- antiaritmijske lijekove (lijekovi koji se koriste za liječenje abnormalnog srčanog ritma)

Uzimanje lijeka Memoxa sa hranom ili pićem

Tablete treba uzimati nakon obroka.

Primjena lijeka Memoxa u periodu trudnoće i dojenja

Ako ste trudni ili dojite, mislite da možete zatrudniti ili planirate imati dijete, pitajte svog ljekara za savjet prije nego što uzmete ovaj lijek.

Ne smijete uzimati ovaj lijek ukoliko ste trudni ili dojite.

Uticaj lijeka Memoxa na upravljanje motornim vozilima i rukovanje mašinama

Memoxa može uticati na sposobnost upravljanja vozilima i rada sa mašinama. Osobe koje koriste ovaj lijek mogu osjetiti vrtoglavicu i loše stanje zbog smanjenog krvnog pritiska, pa se preporučuje ne voziti ili koristiti mašine, dok ljekar ne utvrdi da li je to dozvoljeno.

Važne informacije o nekim sastojcima lijeka Memoxa

Lijek Memoxa sadrži laktozu. Ako Vam je ljekar rekao da imate bolest nepodnošenja nekih šećera, prije nego što počnete uzimati ovaj lijek, posavjetujte se sa svojim ljekarom.

3. Kako uzimati lijek Memoxa

Lijek Memoxa uzimajte uvijek tačno onako kako Vam je to objasnio Vaš ljekar. Ako niste sasvim sigurni, provjerite sa svojim ljekarom ili farmaceutom.

Preporučena doza je 1-2 tablete od 5 mg tri puta na dan, prvih 30 dana. Nakon toga Vaš ljekar može smanjiti dozu na 1 tabletu, tri puta dnevno.

Preporučena doza je jedna tableta od 10 mg tri puta na dan.

Maksimalna dnevna doza je 30 mg vinpocetina.

Dejstvo ovog lijeka se javlja za nedjelju dana, a najjači efekat se javlja za 3 mjeseca. Ovaj lijek se obično dobro podnosi, pa se može uzimati tokom dužeg vremenskog perioda.

Nije potrebno prilagođavanje doze kod starijih osoba.

Nije potrebno prilagođavanje doze kod pacijenata sa oboljenjima bubrega ili jetre.

Ako ste uzeli više lijeka Memoxa nego što je trebalo

Ukoliko ste uzeli veću dozu lijeka Memoxa nego što bi trebalo, što prije se obratite Vašem ljekaru ili se javite u hitnu službu najbliže zdravstvene ustanove.

Ako ste zaboravili uzeti lijek Memoxa

Ne uzimajte duplu dozu da biste nadoknadili propuštenu, jer time stvarate rizik od predoziranja. Uzmite Vašu sljedeću dozu u uobičajeno vrijeme.

Ako ste prekinuli uzimanje lijeka Memoxa

Nemojte prestati uzimati lijek dok Vam ljekar ne kaže, čak i ako se osjećate bolje.

Ako imate dodatnih pitanja o upotrebi ovog lijeka, pitajte svog ljekara.

4. Moguća neželjena djelovanja

Lijek Memoxa, kao i drugi lijekovi, može imati neželjena dejstva, mada se ona ne moraju ispoljiti kod svih.

Povremena neželjena djelovanja (mogu se javiti kod najviše 1 na 100 pacijenata koji uzimaju lijek):

- glavobolja, vrtoglavica, sniženje krvnog pritiska, nelagodnost u trbuhu, suha usta, mučnina, povećanje nivoa holesterola u krvi.

Rijetka neželjena djelovanja (mogu se javiti kod najviše 1 na 1000 pacijenata koji uzimaju lijek):

- smanjenje broja bijelih krvnih zrnaca i krvnih pločica, smanjenje apetita, anoreksija, šećerna bolest, nesаница, uznemirenost, nesvjestica, poremećaj čula okusa, pospanost, gubitak pamćenja (amnezija), ukočenost, otok optičkog diska (papiloedem), poremećaj sluha, zujanje u ušima (tinitus), bol iza grudne kosti, poremećaj srčanog ritma (ubrzan ili usporen srčani rad), naleti crvenila, zapaljenje vena uzrokovano ugruškom (tromboflebitis), bol u trbuhu, zatvor, proljev, povraćanje, problemi sa varenjem, crvenilo kože, povećano znojenje, svrab, koprivnjača, osip, malaksalost, osjećaj vrućine, povećanje nivoa triglicerida (masti) u krvi, povišen krvni pritisak, promjene u aktivnosti jetrenih enzima.

Veoma rijetka neželjena djelovanja (mogu se javiti kod najviše 1 na 10000 pacijenata koji uzimaju lijek):

- anemija, aglutinacija crvenih krvnih zrnaca, preosjetljivost, euforija, depresija, drhtavica, grčevi, crvenilo vežnjače, poremećaj rada srca, iznenadne promjene u vrijednostima krvnog pritiska, otežano gutanje, zapaljenje sluznice usta, zapaljenje kože, nelagodnost u grudima, sniženje temperature, povećanje ili sniženje broja bijelih krvnih zrnaca, sniženje broja eritrocita (crvenih krvnih zrnaca), skraćenje trombinskog vremena, povećanje tjelesne mase.

Prijavljivanje sumnje na neželjene reakcije

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. Kako čuvati lijek Memoxa

Čuvati izvan dohvata i pogleda djece.

Rok upotrebe

Memoxa 5 mg: 2 godine.

Memoxa 10 mg: 5 godina.

Nemojte koristiti lijek Memoxa poslije isteka roka upotrebe naznačenog na pakovanju.

Rok upotrebe se odnosi na posljednji dan navedenog mjeseca.

Čuvanje

Čuvati na temperaturi ispod 25°C.

Lijek čuvati u kutiji radi zaštite od svjetlosti.

Lijekove ne treba bacati u kanalizaciju, niti kućni otpad. Pitajte svog farmaceuta kako da uklonite lijekove koji Vam više nisu potrebni. Ove mjere pomažu očuvanju životne sredine.

Neupotrebljeni lijek se uništava u skladu sa važećim propisima.

6. Dodatne informacije

Šta sadrži lijek Memoxa

Aktivna supstanca je vinpocetin.

Memoxa 5 mg: jedna tableta sadrži 5 mg vinpocetina.

Memoxa 10 mg: jedna tableta sadrži 10 mg vinpocetina.

Pomoćne supstance: laktoza monohidrat, povidon, krosppovidon, magnezijum stearat.

Kako izgleda lijek Memoxa i sadržaj pakovanja

Memoxa 5 mg: bijele ili skoro bijele, cilindrične tablete bez mirisa.

Memoxa 10 mg: bijele ili skoro bijele, cilindrične tablete bez mirisa, sa utisnutom oznakom "T" na obje strane tablete.

Memoxa 5 mg: unutrašnje pakovanje je PVC/PVDC- Al blister koji sadrži 25 tableta.

Memoxa 10 mg: unutrašnje pakovanje je PVC/PVDC- Al blister koji sadrži 30 tableta.

Vanjsko pakovanje je kartonska kutija.

Veličine pakovanja:

Memoxa 5 mg: 50 tableta.

Memoxa 10 mg: 30 tableta.

Režim izdavanja

Lijek se izdaje uz ljekarski recept.

PROIZVOĐAČ (administrativno sjedište)

ACONITUM Private Limited Liability Company

Inovacijų g. 4

Biruliškių k.

Kauno r.sav.

Litvanija

PROIZVOĐAČ GOTOVOG LIJEKA

UAB Aconitum

Inovacijų g. 4

Biruliškių k.

Kauno r.sav.

Litvanija

NOSILAC DOZVOLE ZA STAVLJANJE LIJEKA U PROMET

Amsal Pharmaceuticals d.o.o. Sarajevo

Igmanska 38

71320 Vogošća

Bosna i Hercegovina

DATUM I BROJ DOZVOLE ZA STAVLJANJE LIJEKA U PROMET

Memoxa, 50 x 5 mg, tableta: 04-07.3-2-4748/20 od 12.02.2021.

Memoxa, 30 x 10 mg, tableta: 04-07.3-2-4749/20 od 12.02.2021.